

茂名縣志卷之四

沿革

百粵古之南交秦漢來始置郡縣茂尤僻在嶺西或稱高涼或稱電白或分爲南巴潘水更易者屢矣我朝文教誕敷規制大定民之生茲土者久相忘於太平而今昔之不同宜亦考古者所必詳也志沿革

通志茂名唐虞南交三代荆揚之南裔秦爲象郡漢合浦郡之高涼縣建和元年置高興郡建寧元年改高涼郡旋廢漢末復置三國高涼縣屬高涼郡赤烏

茂名縣志

卷之四

沿革

一

五年析置高興郡晉太康元年以高涼高興二郡屬

廣州

按諸志皆云晉置茂名縣屬高興郡然考晉書地理志並無此縣

宋齊高涼合

浦二郡地未有茂名縣梁大通中置高羅二州屬縣無考陳高羅二州屬縣無考隋書地理志始有茂名

縣係於舊置羅州高興郡石龍吳川二縣之下當屬羅州而不注置立亦非隋縣大抵梁陳所置大業中屬高涼郡唐武德四年以合浦郡之南昌定川置南宕州本治南昌貞觀元年徙治定川八年徙治茂名更名潘州領縣三茂名南巴潘水天寶元年改爲南

潘郡乾元元年復爲潘州五代南漢改茂名爲越裳縣仍屬潘州宋開寶五年廢潘州省南巴潘水二縣併入茂名改屬高州景德元年廢高州改屬竇州三年復置高州茂名還屬元茂名縣屬高州路大德八年高州徙治茂名至正間復置電白明洪武元年茂名縣屬高州徙州治於茂名十四年陞州爲府國朝因之

舊志云茂名縣在周爲越裳氏秦爲桂林郡地漢爲合浦郡地孫吳屬高涼郡晉武帝太康年間始置茂

茂名縣志

卷之四

沿革

二

名縣屬高興郡

考晉書地理志不載

隋開皇九年省高興郡屬

高涼郡置電白石龍吳川海安四縣此電白卽今茂

名縣也唐屬高州元和三年詔嶺南節度使復兼潘

辯二州又屬潘州矣南漢改越裳縣又爲茂名縣宋

廢潘州以縣屬高州并南巴潘水二縣入焉景德初

屬竇州尋改屬高州元屬高州路明屬高州府